


# БІЛЮВІСТІК



Да БСІ  
ЄДИНО  
БѢДЪТЪ

Ів. 31, на.

ДУХОВНА ГАЗЕТА ДЛЯ ПОДКАРУСЬНОВ

**Заложуйте свои вкладки до Централі або до філіялок**

**ПОДКАРПАТСКОГО**

**РУСЬКОГО БАНКА**

**Стан вкладок: Кч. 30,000.000. :: Резервы: Кч. 610.000.**

**Філії: Мукачево, Хуст, Пряшев.**

В всяких финансовых и господарских дѣлах доставить Вам  
скору, точну и бесплатну пораду

**ПОДКАРПАТСКІЙ БАНК В УЖГОРОДѢ.**

Своими заощадженными гелерами при доброму опроцентованю  
капитала подпирайте свой народный

**ПОДКАРПАТСКІЙ БАНК В УЖГОРОДѢ**

Свой до своего! Истинно народна, руська и славянска институція

**ПОДКАРПАТСКІЙ БАНК В УЖГОРОДѢ**

Пересилки долларов до Америки з дозволом Банковного Уряду  
выконуе

**ПОДКАРПАТСКІЙ БАНК В УЖГОРОДѢ**

Переказы до Галичины, Польщѣ и до других держав Европы  
и Америки выконуе найвыгоднѣйше

**ПОДКАРПАТСКІЙ БАНК В УЖГОРОДѢ**

Америцкѣ десеквестраціѣ, асекураціѣ и компензаціѣ за померших  
в Америцѣ переводить

**ПОДКАРПАТСКІЙ БАНК В УЖГОРОДѢ**

За вкладки (льокаціѣ) ошадностей и капитала платить наш

**ПОДКАРПАТСКІЙ БАНК В УЖГОРОДѢ**

5<sup>0</sup>/<sub>0</sub>—6<sup>0</sup>/<sub>0</sub>.

Подорожну канцелярію, продаж желѣзнодорожных карточок на  
цѣлу територію Чсл. Республики и до всѣх сторон свѣта має

**ПОДКАРПАТСКІЙ БАНК В УЖГОРОДѢ**

**ПОДКАРПАТСКІЙ РУСЬКІЙ БАНК**

**В УЖГОРОДѢ, ПЛОЩА МАСАРИКА Ч. 11.**

Число 11. Ужгородъ 1. новембра 1926. Рочникъ VI.

# БЛАГОВѢСТНИКЪ

ДУХОВНА ГАЗЕТА ДЛЯ ПОДКАРПАТСКИХЪ РУСИНОВЪ

<b>ПРЕДПЛАТА:</b> па рокъ . . . . 10.— Кч. за границу . . . . 20.— Кч. до Америки . . . . 1.— Д. Одно число 1 Кч.	<b>Выходитъ разъ на мѣсяць</b>  Адреса: Редакція: Kapitulska ulica ѓ. 10. Администрація: Монастырь ОО. Василіян, Ужгородъ, Раковци 52.	<b>ОБЪЯВЛЕНЯ:</b> принимаются по цѣнѣ: за одну стор. . . . 200 Кч. за половину стор. . . 120 Кч. за четверть стор. . . .65 Кч.
---	---	--

## Покликаніе миссіонаровъ.

Люде сотворенѣ на то, чтобы по дочасномъ животѣ осягнули небесное царство и на вѣки счастливы были. Въ небѣ хоче Г. Богъ мати всѣхъ людей. „Богъ хощетъ всѣмъ челоукомъ спасти и въ разумъ истины прийти“. До спасенія неотмѣнно треба вѣрити въ Богомъ объявленѣ правды, треба тоже жити такъ, якъ св. вѣра учитъ, се е поддержати Божій законъ. „Безъ вѣры не возможно оугодити Господѣви“. „Не вѣрвай оуже осужденъ естъ“, каже Господь (Io. 3.) „Аще хощеши внити въ животъ, соблюди заповѣди“. (Mat. 19. 17). Не увѣрятъ люде въ Божое слово и не будутъ жити, якъ Богъ хоче, если не буде такого, ктобы ихъ научивъ путя Божого, если не буде миссіонаровъ проповѣдниковъ. Не были бы Жидаы, Греки, Римляне и иншѣ поганскѣ народы увѣрили въ Господа Іисуса и осягнули спасенія, если бы не были прійшли до нихъ Апостолы. Славянскѣ народы не узнали бы были Божоѣ правды, коли бы не были ихъ просвѣтили св. славянскѣ Апостолы Кирилль и Меѳодій. И нашѣ предки Русины не были бы сталися христіянами, если бы не научили были ихъ Божого закона миссіонарѣ

проповѣдники. Безъ проповѣданія не е вѣры и христіянского живота, не е и вѣчного спасенія. Колько то милліоновъ и милліоновъ людей е по всей земли на востоцѣ и западѣ, на сѣвери и югу, котрѣ ничего не знають про правдивого Бога, погруженѣ въ темнотѣ поганства и грѣха, стремголовѣ идутъ на вѣчну загибель? А за всѣхъ нихъ умеръ Іисусъ Христосъ! Они чекають, ажъ прійде до нихъ миссіонарь-благовѣстникъ Божого слова и принесе имъ свѣтло правды, огонь любви Божоѣ и вѣчное спасеніе. Далекo больша часть людей чекае на Божихъ пословъ-миссіонаровъ. И нашъ Подкарпатскій народъ побаламученый безсовѣстными агитаторами, радъ бы витати у себе проповѣдниковъ Божого слова, котрѣ з'орали бы и засѣяли нашу руську нивку. „Жатва по правдѣ многа, дѣлателей же малѣ“. Молѣмъ же ся по слову Господа Іисуса до Бога небесного, „да ѡзведѣтъ дѣлатели на жатвѣ свою“. (Мат. 9. 38.) Просѣмъ Бога горячо о добрыхъ ревныхъ, святыхъ миссіонаровъ.

### МОЛИТВА НА МѢСЯЦЪ НОВЕМБЕРЬ:

*О Іисусе, черезъ непорочное сердце Маріи жертвую Тебѣ днесъ всѣ мои молитвы, труды и терпѣнія на то святое намѣреніе, на котрое Ты себе жертвуешь на цѣломъ свѣтѣ въ св. Службѣ Божой. Особливо же молюся, чтобы Господь Богъ давъ чимъ больше миссіонаровъ, для розширеня христіянскоѣ вѣры.*

Въ каждомъ христіянскомъ домѣ мае читатися „Благовѣстникъ“. Онъ не только обороняе и укрѣпляе вѣру, но одновременно ширить христіянскій духъ и культуру.



## Стойте во вѣрѣ!

### II. Св. Тайны.

#### 2. Св. Миропомазаніе.

Вопросъ: „Чому схизматики своѣ дѣти сейчасъ послѣ крещенія миропомазуютъ, а наша Римо-Грекокаѳолицка Церковь седмь годовъ миропомазуетъ?“ Оттакъ звѣдуеся нашъ Михайлюкъ подь числомъ 27-ымъ.

Самъ вопросъ якъ видите солодкѣ брата, невѣрный, баламутный, тай не изъ простого сердца плыве. Та доки даме отвѣта, дачто обширнѣйше скажеме про се, что се св. Тайна Миропомазанія, яка еѣ цѣль и якѣ наслѣдки. Потомъ доперва можъ буде дати отвѣтъ на поставленный вопросъ.

Всѣ св. Тайны установленѣ Иисусомъ Христомъ для заспокоеня нашихъ душевныхъ потребъ и для того, чтобы были намъ успѣшными средствами до богобойного праведного живота и до спасенія. Черезъ св. Крещеніе стаеме дѣтьми Божиими и членами Христоваго Царства, св. Церкви. Св. Сповѣдь очищуе нашѣ душѣ изъ грѣховъ сповненьхъ по Крещенію и примирюе насъ зъ Господомъ Богомъ. Пресв. Евхаристія, ся новозавѣтна небесна манна, кормить и скрѣпляе силы нашѣ, чтобы мы не ослабли въ працѣ надъ вѣчнымъ спасеніемъ. Елеопомазаніе вльвае въ насъ силу, чтобы мы достойно и по христіянски переносили недуги и хвороты нашѣ и неустрашимо глянули смерти въ очи. Супружество освячуе самъ корень родины и дае супругамъ силу исповнити своѣ обовязки и выховати праведное, святое потомство. Черезъ св. Тайну Священства дае Господь Богъ намъ проводниковъ на дорожѣ

спасенія и вльвае въ нихъ ласку достойно сповнити своѣ священничѣ довшности.

Но знавъ тоже Господь Іисусъ, что на святое его Царство, на св. Церкву будутъ безнастанно нападати завзягъ вороги и будутъ намагаться розбити Его стадо. Для обороны того Царства Христоваго треба войска, треба вояковъ. котрѣ бы мужно, отважно боронили Христоваго Царства вразъ зъ усѣми его богатствами: Божою наукою и спасенными установами Іисуса Христа. Въ сей цѣли установивъ Іисусъ Христосъ св. Тайну Миропомазанія, черезъ котру окрещенѣ вѣрнѣ Христовѣ стають вояками Христовыми и приодѣваются въ духовное оружіе, чтобы зъ успѣхомъ боротися подъ проводомъ Іисуса Христа за святое его дѣло. Св. Миропомазаніе вытискае тоже на душѣ христіянина печать, незатертое нѣколи знамя Христоваго воина.

Св. Тайну Миропомазанія може важно приняти лише крещеный, ибо ся Тайна е Тайною живыхъ. Ся Тайна кончится черезъ помазаніе св. Миромъ (е то мѣшанина изъ олаю и другихъ пахучыхъ олѣйковъ), посвященнымъ черезъ епископа и положеніе руки на миропомазуемого, при чимъ треба тоже сказати слова: „Печать дара святаго Дѣха Імѣнь“. Тайну Миропомазанія мае удѣляти порядочно самъ Владыка. Священники удѣляютъ еѣ важно лише на основѣ окремого уповаженія св. Римского Отца.

Св. Тайна Миропомазанія кромѣ незатертого знаку вытисненого на душѣ вльвае вразъ зъ Божою ласкою освящающею и силу словомъ и дѣломъ отважно исповѣдовати науку Іисуса Христа мимо переслѣдовань и напастей Божихъ вороговъ.


Изъ давень давна удѣльовали въ св. Церкви сесю св. Тайну або доразъ по Крещенію, або и окреме одъ Крещенія. Де якій пріймився звычай, сего по нынѣшний день держатся. На востоцѣ е звычай миропомазовати доразъ по Крещенію, — сего звычайу придержуемеса и мы греко-каѳолики (отже не лишь схизматики, якъ невѣрно думаетъ Михайлюкъ), у латинскомъ обрядѣ миропомазуютъ позднѣйше, коли уже дойдутъ вѣрнѣ до повного розума, отже семого года. Но и латинники можуть миропомазовати скорше, хотяйбы и доразъ по Крещенію, если зайде сего потреба. Такъ выразно читаеме въ Церковномъ Законнику (Канонъ 788). Оденъ и другій звычай е наровнѣ добрый и святой и никто не мае права ихъ осуджати, якъ се чинять несовѣстнѣ схизматики, ци якъ тамъ агитаторы. Давбы Богъ небесный, чтобы всѣ мы Русины были мужними вояками Христовыми и неустрашимо боролися за св. его Царство! Най не буде межи нами ни одного, котрый бы торговавъ якъ Юда вѣрою, промѣньовавъ еѣ якъ сорочку и продававъ сему, кто больше платить. На жаль и сякихъ у насъ не хибуетъ!

## Новый Архипастырѣ Пряшевскоѣ Епархіѣ.

Блискавкою рознеслася по цѣломъ Подкарпаттю радостна вѣсть, что св. Апостольска Столиця зволила назначити нового Архипастыря для Пряшевскоѣ Епархіѣ. Сей, котрый мае взяти у руки управу Епархіѣ, е скромный уккрытый монахъ Василіянинъ о. Павло Петро Гойдичъ.

Родився онъ дня 17. юлія, 1888. року въ Пеклянахъ коло Пряшева изъ давноѣ священничѣ родины. Гимназіяльнѣ науки откончивъ въ Пряшевѣ, богословія 1 годъ учився въ Пряшевскоѣ семинаріѣ, прочѣ въ центральной семинаріѣ въ Будапештѣ. По довершенію богословскихъ студій бывъ рукоположенный въ ерея покойнымъ Епископомъ Валіемъ лня 27. августа 1911. года. Яко священникъ взявся зъ пигомою собѣ ревностію и вытревалоствію до душпастырскоѣ працѣ на рѣжныхъ мѣстахъ. Черезъ половину року бывъ сотрудникомъ въ Цегелцѣ, потомъ администраторомъ въ Пѣтровѣ а потомъ въ Сабиновѣ. Одъ 1. септембра 1912. года видиме его черезъ два годы префектомъ въ Пряшевскомъ алумнею и професоромъ въ гражданскихъ школахъ. Преосв. Епископъ Новакъ 1914. года покликавъ о. Петра на урядъ протоколанта и архивиста епископскоѣ канцеларіѣ. Въ 1918. годѣ именованый директоромъ тойже канцеларіѣ и консисторіядьнымъ нотаремъ; невдовга потомъ совѣтникомъ и ассесоромъ епископскоѣ Консисторіѣ. Хотяй якъ численнѣ были его занятія, мимо сего находивъ онъ еще часу на душпастырску працу надъ молодежію и въ катедральномъ храмѣ. Почести и вызначеня не заспокоювали однакъ его побожного сердца. Душа его рвалася до Евхаристійного Іисуса, чтобы Его честовати, любити чторазъ больше и жити Его Божиимъ житьемъ. О. Петро добрѣ зрозумѣвъ слово псалмопѣвця: „Кѣмъ возлюбленна селѣніа твоа, Господи сіла! желаетъ ѣ скончавется душа моа въ двѣрѣ Господниа“. (Пс. 83, 1.) Онъ желавъ спочити на Найсв. Сердцю Христовомъ, чтобы при немъ больше и больше поступати въ святости и совершенствѣ. Дня 20. юлія, 1922. р. вступае о. Петро Гойдичъ на новиціятъ обновленого Чина св. Василія Великого въ Мукачевѣ. По 18 мѣсячной монашой пробѣ складае онъ дня 10. марта 1924. г. въ присутности Ихъ Преосвященства Дионизія Нярадія першѣ монашѣ обѣти, яко о. Павло Петро.

Доразъ по зложеныхъ обѣтахъ видиме его вьедно зъ другими монахами зреформованого Чина при миссійной працѣ, то въ одной, то въ другой епархіѣ, котроѣ не залишавъ и тогда, якъ послушенство поручило ему весною 1924. г. обняти урядъ духовника въ ужгородскомъ Василіянскомъ Интернатѣ. Туй заскочила его номинація на Апостольского Администратора Пряшевскоѣ Епархіи такъ нечаяно, что не было ему лишено и часу



ПРЕДСВ. ПАВЛО ПЕТРО БОДИНЪ.  
• Апостольскій Администраторъ Епархіи Кричевскоѣ.



ухилитися одъ сего достоинства, хотяй и якъ дуже сердце его желало передъ нимъ утечи.

Не ображаючи глубокоѣ покоры и скромности Преосв. Павла, мусиме на семь мѣстѣ подчеркнуты даякѣ черты его праведноѣ душѣ. Справджуются на немъ слова Божественного Спасителя что „всѣмъ смирамъ себѣ вознесѣтса“. Достоинства бо церковнѣ звычайно утѣкають одъ тыхъ, котрѣ за ними гонать, а идутъ за сими, котрѣ отъ нихъ утѣкають. Преосв. Павло шукавъ укритога монашого смиренного житія, а Господь у своей премудрости черезъ сесе укритье и смиренность приготавливъ его до епископского достоинства. Въ покаянной одежи черця выроблявся сей, котрый по опредѣленію Божого Провидінія мавъ быти „солею земли“ и „свѣтомъ міра“ и „градомъ верху горы стоящимъ“. Преосв. Павло по правдѣ мужъ Божій. Характеристична черта, котра у него попри многъ иншѣ прикметы найбільше выбиваеся, е нѣжное почитаніе и горяча любовь до Пресв. Сердца Іисусового. Его назвати треба „Апостоломъ почитанія Пресв. Сердца Христового“. Куда лише вступивъ, тамъ всюди розширявъ почитаніе Христового Сердца. А робивъ все потихо, непомѣтно, безъ розголосу якъ чинять се всѣ Божѣ мужѣ.

Теперь кличе его „Добрый Пастырь“ Господь Іисусъ, чтобы еще больше душъ привювъ до одинокого источника христіанскоѣ праведности, до Пресол. Христового Сердца, та чтобы они въ семь Сердцу нашли правдивый гараздъ дочасный и вѣчное спасеніе. Хотяй жаль намъ розставатися зъ мылимъ нашимъ о. Павломъ, но однакъ дуже тѣшимеся, что черезъ него Божое царство буде больше и больше рости въ Пряшевской епархіѣ. „Благовѣстникъ“ певно знайде въ особѣ Преосв. Павла щирого и ревного покровителя, изъ своеѣ же стороны заявляе готовость пойти всягды на каждый его покликъ. Щирымъ сердцемъ привѣствуеме Васъ, Преосв. Владыко, и просиме горячо Бога небесного, чтобы подкрѣплявъ Вашѣ силы нѣ тяжелой працѣ Богу на славу и на спасеніе безсмертныхъ душъ на многая и благая лѣта! Зъ Христомъ Господомъ провадьте, достойный Владыко, порученое Вамъ стадо на здорову, крѣпку, спасенну пашу!

## Схизматики отрѣкаются св. Василія Вел. и Миней своихъ.

Прошлого лѣта повернувъ емъ до одного гр. каѳ. газды въ Вульховцяхъ. Стрѣтивъ емъ ся у него зъ нашими вѣрниками. Позднѣше прійшло еще нѣсколькко схизматиковъ тай одень суботарь. Не тяжко уганути, что бесѣда скоро зайшла о томъ, что „кто мае правду въ вѣрѣ?“ Ци гр. каѳолики, ци

схизматики. И такъ не могъ емь отказатися, чтобы'мь не по-толкававъ присутнымъ:

— Люде честнѣ, правда гр. каѳоликовъ совсѣмь ясна. Видиме изъ св. Евангелія, что Основатель Церкви свою единственну Церковь оснуе надъ Петромъ. „Ты еси Пётръ, и на семъ камени созиждѣ церковь мою...“ (Мѣ. 16, 17.) Головное пастырство яко головной Пастырь переае Петрови: „Паси ѿгнцы моѣ... паси ѿвцы моѣ...“ (Іо. 21, 15. 17.) Верховнымъ апостоломъ указують Петра Дѣянія св. апостоль, посланіе св. Павла къ Галатамъ. И читаеме у св. Отцовъ навѣтъ и въ схизматицкихъ церковныхъ книгахъ, Минеяхъ, что дѣйсно Петро бывъ первымъ надъ всѣми апостолами и сіе первенство Петра перейшло на его наслѣдника на епископа, котрый въ Римѣ есть: на Папу Римского; Папа Римскій и на Востокъ и на Западъ розказуе. Словомъ лишъ тота вѣра истина и лишъ тота Церковь спасительна, въ котрой Папа Римскій есть головнымъ управителемъ...”

На жаль не могу совсѣмь дотольковати, бо отверяются дверѣ и схизматики приведуть своего батюха, котрый изъ дверей низько кланяея:

— Слава Іисусу Христу!

— Та вже и вы нашли Христову славу. Бо Рацинъ запрещавъ сіе поклоненіе — одповѣдаю батюхови и заразы звѣдуюся у него.

— Кажѣтъ лишъ менѣ, ци училися вы богословіе?

— Та ци не казавъ емь Вамъ уже, что за повдруга года ходивъ емь въ Буштинску школу — говоритъ нѣбы оскорбленный мой батюхъ.

Того часу я самъ чувъ отъ Пешека и отъ теперѣшного тячевского дер. шк. инспектора, что ся школа была лишъ „курсъ про неграмотныхъ“. А теперъ всѣ, котрѣ лишъ былисьме у сего газды пересвѣдчилисьмеся о томъ, что и вульховскій батюхъ дѣйсно неграмотный въ дѣлахъ богословскихъ. На вопросъ, что есть розлука между нами и между ними балакавъ въ свѣтъ лишъ точки разинствивуючѣ не предложивъ. Коли пакъ выпомогъ емь его, тогды зачавъ сѣяти свою мурость. На таблицахъ книжки своеѣ было у него нѣсколько стишковъ изъ св. Письма позначено. Тими радъ бы бывъ доказати что Петро не бывъ верховный и изъ Откровенія та посланія св. Павла къ Солунянамъ хотѣвъ вывести, что Папа Антихрист.(!!?)

— „Ты еси Пётръ“ — мудровавъ батюхъ — „и на семъ камени созижду...“ не такъ треба розумѣти, якбы Христосъ надъ Петромъ основавъ Церковь.

— Та якъ розумѣти? — звѣдую.

— Та такъ, что на словахъ Петровыхъ: „Ты еси Христосъ“ т. е. надъ самымъ Христомъ оснуе Церковь. „На семъ камени“ то отношаея до Христа а не до Петра.

— „Чоловѣче“ — перерву 'му бесѣду та коли я кажу что сеся ряса на семь батюхови, Гриньови висить, кто бы толковавъ то такъ: не правда, бо на семь то только значить, что на семь чоловѣцѣ, але что на мнѣ.

— Ой нѣ — махае головою.

— Та если не вѣрите менѣ — тутъ суть вашѣ „православныя“ Минеѣ... Отворю батюхови и батюхъ шпотаючися читае, что Петро верховный, что Рима не оставивъ, что его власть перейшла на Папу. Читае: Иже во святыхъ св. Силвестра, Климента, Мартина, Льва и пр. Папы Римскаго...

Батюхови начало быти тепло. Но я притискаю:

— Видите что и Восточна Церковь признае Папъ Римскихъ. Та почому отрѣкаетесь вы? Чому отвожуете народъ рускый отъ Папы Римскаго?!

— Такъ есть — гучять присутнѣ — батюхы кажутъ, что не треба Папы.

— Вотъ люде честнѣ — видите сесѣ люде таже такъ стоять зъ Папами, якъ циганѣ изъ раками. И у нихъ лишъ на письмѣ стоитъ, якъ у цигана раки.

— Мы изъ Минеѣ лишъ то признаеме, что коло насъ, а что противъ насъ, то намъ не треба — уголосився оденѣ прихильникъ батюха.

— Люде, — кажу имъ — вы сими Минеями служилистеся, пока у васъ была церковь наша... Та почому обвиняете насъ, что мы покоротиме отправки, коли вамъ уже и книгъ не треба...? Та тогды читайте, что каже св. Василій Великый, (Опроверженіе на защитителну рѣчь злочинного Евномія гл. 2. стр. 54. Изданіе 1891—92. года часть 3.): **Петро** получивъ „обѣтованіе, что на немъ (!) созиждется Церковь.“

Суботарь учувъ, что я говорю о изданіи, громкимъ голосомъ перерве:

— Слушайте, то чоловѣческое изданіе, не св. Писаніе.

— Такъ есть — воскликнувъ батюхъ и его вѣрники — мы лишъ св. Письмо признаеме.

— Люде, люде... — утихомиряю ихъ — та вамъ Преданіе, св. Отцы ничъ?!

— Прошу, то чоловѣческое. Одповѣдають они.

Газда дому не могъ уже вытерпѣти, выступить и каже:

— Туй нѣскимъ говорити, и нѣчто груди розбивати, коли имъ св. Василія и книгъ святыхъ не треба.

Всетаки я выекзаминовавъ еще мало батюха, о томъ что то аріянизмъ, монигелетизмъ, монофизитизмъ. Но батюхъ мой твердо мовчить и обганяеся:

— Я не знаю латинскѣ слова!

— Люде, что се за попъ?!

— А то лишъ политику звѣдуть отъ нашего попа. Начто ему такого — обороняють батюха нѣкоторѣ. А другѣ жалуютъ го:

— Та не ученый, не ученый нашъ попикъ. Но то ничъ. Не-ученого май легко избытися, якъ ученого, — такъ радятъся другѣ.

— Такъ?! Чуйме что знае изъ самого поповства! Кажѣтъ, яку ласку дае св. Тайна миромпомазанія, что то тайна, якъ розрѣшати покаяника въ сповѣди?

— Прощу то тутъ не мож... плете батюхъ...

Вотъ сюда привела русина нашего схизма и батюхи...!

Крѣшковѣрій.



## Небесный вѣнецъ.

Умеръ одень свѣтославный художникъ. Не бывъ безбож-ный, але и то не можно сказати, что дуже много думавъ на Бога. Сердце у него было доброе, ненавидѣвъ подлость и въ тайнѣ, коли никто не видѣвъ, вдячно помагавъ бѣднымъ. Коли сердце его перестало бити, душа появилась передъ Божиимъ судомъ.

Одень прекрасный ангель поднявся зъ престола Бога и вступивъ передъ душу усопшого. Коли душа увидѣла ангела, блищаючого въ небесной славѣ, упала на колѣна и зъ тую розпростерла своѣ руки, але руки порожнѣ были! А то каждый знае, что порожними руками не можно появиться передъ Богомъ.

— Встань — казавъ ангель —, такъ не можешъ войти передъ лице Всемогучого. Кто меже нами хоче быти, той золотый вѣнецъ мае носити на головѣ; а золото, перлы и дорогоценнѣ камѣня для сего вѣнца, зъ земли мае собѣ принести. Иди назадъ на землю и поглядай до вѣнца потребнѣ золота и дорогоценности — може найдешъ — и потомъ вернешся назадъ.

Художникъ вернулся на землю, въ комнату тоѣ хижѣ, где его тѣло было выстелено. Труна была прекрасно и роскошно украшена; на ней лежало бѣлое, зацѣпенѣлое тѣло умерца. Ледвы познавъ, что то его тѣло, такъ змѣнилось. Потомъ подумавъ прочто пришовъ, подумавъ на золотый вѣнецъ и на перлы. Видѣвъ тамъ огромну массу квѣтокъ, чимъ было покрыто его тѣло. Але съ были самѣ непотребнѣ рѣчѣ, бо прецѣнѣ головы спасенныхъ не сякими вянучими цвѣтами звыкли повѣнчати. Надъ головою были вывѣшенѣ его гуслѣ, на котрыхъ его пальцѣ такѣ прекраснѣ мелодіѣ грали и придбали для него только славы и богатства. Але коли подумавъ съ гуслѣ понести до неба, скоро зрозумѣвъ, что тѣ мелодіѣ, тѣ чаровнѣ аріѣ лише туземныхъ людей могли зачаровати. Но нѣкакъ не одповѣднѣ въ гармоніи спасенныхъ и въ хорахъ ангеловъ.

Подивився то на лѣво, то на право, чтобы могъ понести зѣ собою до неба? — Але не найшовъ ничего.

Разъ лишь отворилися дверѣ и вступивъ въ комнату оденѣ бѣдно одягненый хлопецъ. За хвилину боязливо обзирався въ комнатѣ, потомъ подтягнувся, уклонився до мерца и положивъ меже роскошнѣ квѣты маленькій звязокъ фіялки. Покропивъ труну священою водою, помолился оденѣ Отче нашѣ и потомъ тихенько одойшовъ.

Душа усопшого художника роздумалася. Бо кто мае быти сей малый хлопчикъ. Потомъ пригадавъ художникъ собѣ: сей бѣдный хлопчикъ е сыномъ тоѣ бѣдноѣ вдовицѣ, кто на задноѣ части его палаты бывае. Они попали въ велику бѣду и у него просили о помочѣ. Онѣ имѣ помогъ. Что то было ему, такому богачови! Потомъ цѣлкомъ ясно памятавъ, что изъ очей матери и сына лялися слезы радости и сказали: „Най Господь Богъ вамъ заплатитъ“. И на то памятавъ, что онѣ такъ одповѣдавъ имѣ: „Богъ мене зато благословитъ“. Дивна рѣчѣ, что теперъ такъ ясно памятае на сю дробну подѣю.

Въ слѣдуючой минутѣ бѣдна душа почала роздумовати: Маленькій звязокъ фіялки! Ба что то стоитъ? Что се варта передъ Божимъ судомъ? Напало на художника крайное отчаяніе, бо не найшовъ ничего, чимъ могъ бы украсити небесный вѣнецъ. На конци заплакавъ горько и рыдавъ на краю труны.

Наразъ заблестѣло въ очѣ золотое свѣтло. Зѣ дивованьемъ глянувъ на ту сторону: увидѣвъ вѣнецъ изъ чистого золота. Его други и товаришѣ принесли лавровый вѣнецъ изъ чистого золота и положили на труну; на каждомъ мѣстѣ бывъ датумъ рока, мѣсяця и дня, такожь и имя города, где его прославляли и где онѣ огромно грошей и славу доставъ. Вырыто было: Парижъ 16. фебр. 1888., Цирихъ, Лейпцигъ, Дрезда, Москва, Римъ, Мадридъ, Ньюоркъ и еще много иныхъ, — всѣ тамъ были на вѣнци.

Золото, — ликовала душа — золото, но теперь уже могу приступити до Бога. Понесу зъ собою се золото и симъ украшу мой небесный вѣнецъ. Скоро захопила вѣнецъ и швидкимъ летомъ полетѣла передъ ворота вѣчного житя.

Ангель Божій уже тамъ стоявъ и чекавъ. Душа зъ радостію подала ему вѣнецъ и сказала: — Принесла и золото, туй е, се доста буде для украшения моего вѣнца.

Ангель небесный вынявъ вѣнецъ зъ рукъ душъ захоплено одъ великоф радости. Перекидавъ всѣ листья, прочитавъ всѣ надписи а потомъ придержавъ до свѣтла выходячого изъ воротъ небесныхъ. И дивное дѣло! Всѣ золотѣ листья почали вянути одъ небесного свѣтла, розтопилися меже руками ангела и якъ непотребнѣ капль дождя упали на землю.

Небога душа потряслася одъ страху и дрожала якъ жебрачка дѣтина въ морозѣ и чула, что зновъ зъ порожными руками стоитъ передъ воротами вѣчности.

Ангель смутно поглянувъ на ню и сказавъ:

— Иди еще разъ на землю и попробуй, а если достанешъ чтось лѣпшого и цѣннѣйшого.

Небога душа и по другій разъ спустилася на землю. Зновъ зайшла въ комнату, котра уже порожня была. Тяжкій запахъ мертвого тѣла и повянулыхъ квѣтокъ помѣшались и наповнили комнату; лише легкій запахъ еиміяна бывъ на только-колько стерпимый.

Прекраснѣ меблѣ, тяжкѣ дорогѣ тепѣхи, шовковѣ заслоны, розкошнѣ статуѣ, неоцѣнимѣ образы и ручнѣ роботы уже порозбирали. Смѣючѣся наслѣдники уже вадилися меже собою.

Лише въ кутѣ лежавъ малый букетъ бѣдного хлопчика и на немъ блищало дасколько капель священоф воды. Ктось вергъ въ кутикъ, ни хто не считавъ вартнымъ понести зъ собою. Изъ наслѣдства великого художника не зостало инше, якъ сей малый букетъ.


Взяла душа въ руки сей букетъ фіялокъ и понесла до неба.

А ангель ждавъ на художника. А той спустивши голову, приступивъ до ангела и казавъ:

— Туй е все, что я найшовъ изъ моего маетка на земли!

Ангель взявъ въ руки малый фіялковый букетъ, и придержавъ до свѣтла выходячого изъ царства небесного. И тогда случилось дивное дѣло. Изъ фіялокъ выринула промѣнь свѣтла и виднѣ были слова изъ золота: „Най Богъ благословить“! Промѣнь свѣтла помало зникла, але стебла фіялокъ перемѣнились въ золото, квѣтки и капль священоф воды же стали сяючими дорогоценными перлами. Душа не могла де подѣтися зъ великоф радости и почала ликовати.

Ангель же зъ усмѣхомъ на устахъ взявъ еѣ за рукою и отворивъ ей ворота царства небесного и завювъ еѣ до Всемогучого, передъ кимъ никто не може появитися порожными руками.



## Ци папою была даколи жона?

Сими днями загнавъ намъ одинъ нашъ вѣрникъ изъ Марамороша письмо, въ котромъ пише, что тамъ крутятся якѣсь лжепророки и безнастанно клеветуютъ на св. Каѳолическу Церковъ, Римского Отца, Епископовъ и нашихъ греко-каѳолицкихъ священниковъ. Они розкидають тоже mezi людьми якѣсь то брошурки, въ котрихъ mezi иншими клеветами пишуть, что римскимъ папою была жона. Просить насъ отвѣтовати ему, ци то правда?

Знаеме мы, что то за потята сесѣ „апостолы,“ про котрихъ згадуєте и яке то зѣлечко розсѣвають они mezi нашими вѣрними. Се фарбованѣ лисицѣ, котрѣ притворяются приятелями руського народа, а по правдѣ се нашѣ губителѣ и вороги. Ихъ прикметою е се, что они якъ сѣ сотворѣня зѣ довгимъ рыломъ всегда шукають наживы въ гною и калѣ брехнѣ и клевети, и потомъ симъ гноемъ обдаровують другихъ. Давна то собѣ брехня, викована въ кузнѣ вороговъ Христоваѣ Церкви, что жона была папою. У кого въ головѣ е розумъ а не полова, а любовь въ серцю а не подлость и злоба, сей не лишъ не буде такоѣ дурноты говорити, але и не подумае таку дурницю.

Жона напередъ не могла быти папою, бо анѣ епископомъ анѣ священникомъ по установѣ Иисуса Христа быти не може.

Въ томъ часѣ, коли нѣбыто мала быти папою жона Йоанна (855—858) сидѣвъ по незбитымъ доказомъ исторіѣ на папскомъ престолѣ и управлявъ Христовою Церквою папа Венедиктъ III., котрый слѣдовавъ по папѣ Львѣ IV., кто умеръ въ юлію 855 года, а по смерти Венедикта III. (858) бывъ папою черезъ 10 годовъ св. Николай I., за котрого отступивъ отъ св. Церкви Фотій, отецъ всѣхъ схизматиковъ. Сесѣ Фотій робивъ римскимъ Папамъ и св. каѳолицкой Церкви всякѣ можливѣ замѣты, чтобы

виправдати свое отступство, а нигде ни словомъ во своихъ творахъ не згадуе про папу-жону. А чей же се была бы вода на его млинъ! Выдумали сяку глупость и клевету вороги св. Церкви зъ вузкою головою и погубленнымъ сердцемъ. Еще тѣснѣйша голова у сихъ „апостоловъ“ безвѣрныхъ, котрѣ не ганьблятся розсѣвати сякѣ немудрѣ и злбнѣ байки. Варуйтеся ихъ!

# НОВОСТИ

— 1100 рочница св. Кирилла. Дня 29. августа сего року отримовалося на Велеградѣ генеральное рочное засѣданіе Апостолата св. Кирила и Меѳодія. Заступленѣ были всѣ епархіѣ Чехословакіѣ и Югославіѣ, въ котрыхъ запровадженый апостолать. Архіепископъ др. Пречанъ бывъ предсѣдателемъ. — По многихъ рефератахъ было обговоренно, якъ маеся отримовати. V. Велеградскій конгресъ въ 1927 роцѣ. — Зъ тымъ конгресомъ буде сполучено великое интернаціональное торжество 1100 рочницѣ народженья св. Кирилла. Всѣ епископы Чехословакіѣ, а такъ само и Югославіѣ — певно не заостануть за нами и наши епископы Галицкѣ — выдадутъ о семъ торжеству спольнѣ посланія. Рокъ 1927 мае быти подобно праздничнымъ рокомъ для св. Кирилла, яко есть и сей рокъ для св. Франциска. На Велеградѣ готуются паломництва не лишъ изъ Чехословакіѣ, але и изъ Югославіѣ и такожь изъ другихъ краевъ. Св. Кирилъ, якъ знаеме, померъ, въ Римѣ 14 фебруара 869 року въ 42 ро-

цѣ своего житя. А якъ прославиме мы Русины на Подкарпаттю сей праздникъ 1100 рочницѣ народженья нашего на особеный способъ Апостола? Поки другѣ народы, Чехи, Словаки, Хорваты мають одѣ св. Кирилла лемъ початокъ своей культуры, то мы гр. католики маеме кремъ культуры еще и нашъ обрядъ съ всѣми духовными добрами, якѣ зъ обрядомъ связанѣ. Безъ всякого сомнѣву на то прославленіе нашего Апостола треба бы намъ якъ найскорше зробити точный планъ для нашихъ епархіѣ разомъ зъ братами зъ поза Карпаты и изъ Америки, чтобы та прослава была якъ найдостойнѣйша. — Ци бы не можъ было думати на паломництво до Риму въ 1927 роцѣ, чтобы на самомъ гробѣ св. Кирилла започати або докончити сіе торжество?

— Конгресъ нѣмецкихъ католиковъ въ Бреславѣ одбывся 22-го августа въ присутности 80.000 особъ. Зборы одкривъ кардиналь Бертрамъ бесѣдою, въ котрой величавъ Ісуса Христа якъ „Царя-Мира“ и взывавъ до молитвы за миръ. Конгресъ державъ за 3 дни.

— **Схизматики въ „роботѣ.“** Русанскій батюшка въ Русской Землѣ плаче и рыдае, что Свобода ступила мало на его ноги. Себе представляе якъ истинного апостола православія, а дикости своихъ вѣрниковъ считае лише незначительнымъ „столкновениемъ молодежи.“ Дивнѣ погляды! Пригадуеме честнымъ людямъ всѣ тѣ „столкновения“, что случилися подѣ короткимъ часомъ изъ стороны его „православныхъ“ вѣрниковъ, чтобы видѣли якъ „православный батюшка“ разумѣе любовь христову. Дня 15-го схизматики выбили окна нашего вѣрника К. Илька и изъ двора выметали конопль. У пару дней (VIII-17) зновъ одному нашему вѣрникови К. Васильови розметали плотъ и взяли ворота. 28-го августа черезъ окно вергли великій камень въ хижу Митра Янкулича. 19-го септ. три великѣ камѣня вергли въ окна фары и гдеякѣ рѣчи украли зъ двора. До сего треба прираховати, что „богобойнѣ“ схизматики постоянно роблять всякѣ шкоды на полю нашимъ гр. католикамъ, камѣнями обметають ихъ, коли до церкви идуть, высмѣвають, знесважають ихъ и Господь Богъ знае якѣ еще средства уживають, чтобы одпудити ихъ одъ церкви. Але се вшитко лише „столкновение“. На се богобойный батюшка лише рукою махне. Дробницѣ! Головна рѣчь, чтобы уніаты не смѣли ходити до церкви. Прости му Господи! Навѣть и тогды коли знае, что робить.

— **Апостольска подорожѣ** Преосв. Петра. Преосв. епископъ минувшого мѣсяця нащививъ на ужанской верховинѣ своихъ вѣрниковъ. Дня 21-го септембра, на праздникъ Рождества Богородицѣ въ Лютомѣ отправивъ архіерейску службу Божу. Потомъ зайшовъ до сусѣдныхъ селъ, якъ: Волосянка, Ужокъ, Мирча Дубриничъ и пр. Вѣрники всягды зъ широкою радостію принимали своего доброго Архипастыря, а онъ въ каждомъ селѣ мавъ отцевское слово до своихъ ревныхъ вѣрниковъ. Въ сихъ селахъ всягды замѣтити можно было велику бѣдноту населени. Люде ледвы могутъ выжити изъ худоѣ землѣ а не мають ніякого иного заработка... **А правительство ничего не робить, чтобы поднести матеріальный добробыть народа! Противно!** Ини чужины наймае работниковъ до лѣсноѣ работы, якбы туй не было доста такихъ, котрѣ охотно взяли бы ся до працѣ и чимъ обезпечили бы свой коммодный сухой хлѣбъ.

— **Китайскѣ епископы.** Дня 24-го октября римскій отецъ выименовавъ трехъ китайскихъ епископовъ. До теперѣ дѣйствовали въ Китаю лише европейскѣ епископы. **Со першій** случай, коли китаецъ ставъ епископомъ.

— **Нова газета.** Др. Гомичко зубный лѣкаръ выдалъ газету: **Русскій Край.** Газета стоитъ въ службѣ руссофилими и схизмы. **Вѣрный омиъ Царини** и народа не може еѣ иѣ читати, иѣ подпорвати. **Такии порокѣ намъ,** якъ Р. З.

† — **Вонъ зъ крестом!** Въ селѣ Завадка церковну школу перебрала держава и назначила туда державного учителя. Просвѣщенный учитель выдавъ розказъ, чтобы изъ школы odstrанили крестъ. Се поступованя збурило цѣлое населеня. Такъ то гдеякѣ паны учитель хотять „заслужити“ передъ правительствомъ, что потоптають то, что намъ найдорожшое.

Люде уважайте на своѣ церковнѣ школы! Сей фактъ вручаеме въ увагу нашего епархіалного инспекторату.

— **Въ Ужгородѣ** сими днями одбився выборъ батюшки. Всѣ думали, что выберутъ Мейгеша. Але Мейгешъ провалився на выборѣ и выбрали якогось москаля Владикоффа. Старый Мейгешъ могъ удостовѣритися, что за зраду не все платять добре.

### Переписка редакціѣ.

**М. Р. въ Егрешѣ:** Дякуеме за вѣсти. Вашому почтареву не зашкособы пригадати, что падушиваніе своего уряду на агитацію е по законамъ каридостойное и если не заперестане своѣ лукавоѣ работы, то готовъ въ короткомъ часѣ пойти тамъ, де козы куютъ. На такихъ панчуковъ найдеся способъ, якъ имъ носа утерти. Звѣдомѣть насъ, что зъ нимъ и якъ.

Сесь Вашъ мудрецъ, котрый агитуе за паленьемъ помершихъ, уже зовсѣмъ споганѣвъ. Давнѣ погане палили колісь своихъ помершихъ; се самѣ чинять теперъ и новѣ поганѣвъ. Палити тѣла помершихъ чужое св. Церкви Христовой и е остро заборонсное законами церковными. Сей же поганецъ най гадкуе, чтобы и тѣломъ и душою не полавъ въ пекельный вѣчный огонь за черезъ соблазни, бо „горе чловкѣ, ѣмже соблазнъ прихѣдитъ“, каже Господь у св. Маѣея (18. 7.) Оставайте съ Богомъ святымъ и молѣтся за насъ, та знова намъ дачто напишѣтъ!

**Схизматикови изъ Бѣлокъ.** Поганос се и нечестное дѣло на листѣ подписовати чужое имя. Такое у вѣрующихъ честныхъ людей не водится. На першу частину своего письма досталисьте отвѣтъ въ Благовѣстнику ч. 10. и выдавъ доста вамъ его. Тамъ словами св. Письма вы красно змальованѣ! На поставленѣ вамъ два вопросы загнали мы вамъ отвѣта на имя сего нашего вѣрника, якого вы незаконно подписали у письмѣ до насъ. Попросятъ его, то онъ вамъ передастъ. Най Богъ небсный васъ вразумить и наверне, чтобысьте умерли не якъ отступникъ, але якъ вѣрный сынъ св. Церкви! О се молимеся для васъ и такихъ якъ вы! За подписованьс чужого имени можна попасти въ темницю. Гадкуйте, бо зимою тамъ холодно и голодно!

**Кривое.** Якійсь схизматикъ въ „Русской Земли“ бывся на всѣ боки, что мы написали, что его одиновѣрцѣ камѣня крали. Если не правда, просиме поставити насъ передъ судъ! Най выявиться правда! Але не лайте и не лопонѣтъ до свѣта. А Евангеліе и св. отцовъ не споминайте! Бо они васъ не учили: красти, палити, рабовати, плювати, колодязы отровити, людей выганяти, окна выбивати и т. д. А се робите вы. Се ваше святое православіе дозволяе?

**Росоха, Берегово.** Въ слѣдующомъ числѣ.

**І Когутъ. Канада.** Адресса Душпастыря: Dušpastyr Užhorod, Kapitulska ul. 3.

**Ложнѣ пророки. Хустъ.** Въ слѣдующомъ числѣ. Твое имя подписати?

Выдае: **Монастырь О.О. Василянъ**  
въ Ужгородѣ.

Отвѣчательный редакторъ:  
**Емилианъ Бокшай.**

Книгопечатня О.О. Василянъ въ Ужгородѣ. Раковцїя ул. (Монастырь).



**„СВОЙ ДО СВОГО“**

# **„АКОРДЪ“**

**ПЕРША РУСЬКА ФАБРИКА  
ЗВОНОВЪ ВЪ УЖГОРОДЪ**

Найлѣпшѣ звоны править перша руська лярня звоновъ „АКОРДЪ“ Капиталь создали сами наши люде. Она заряджена по найновѣйшой техницѣ и ведена перворядными фаховцями. Мѣстности фабрики находятъся около желѣзнодорожноѣ станци въ Ужгородѣ. Тамъ постоянно выставленѣ образцовѣ звоны. !Найлѣпшій благородный металл!

Спеціяльна марка „Акордъ“ „А“ и „С“ звоны. 10-рочна га

Замовленя просимо адресовати:

**„АКОРДЪ“, лярня звоновъ въ Ужгородѣ.**

Канцелларія: Ужгородѣ, Капитульна улица ч. 11.

Замовленя можѣ передати и въ Подкарпатскомѣ Банку.

**РУСИНЫ!**

Не идѣть до чужихъ, а подпирайте своѣ руськѣ институциѣ

**СЛАВЯНЕ!**

Першимъ руськимъ асекураційнымъ товариствомъ есть

# **„БЕСКИДЪ“**

**акційное асекураційное товариство — Ужгородѣ.**

Принимает асекурациѣ хижѣ и всѣхъ движимостей и недвижимостей противъ огня, противъ вломовъ, принимает асекурациѣ на житѣе, пензій и пр.

**на дуже выгодныхъ условияхъ.**

Асекурайте только у „БЕСКИДЪ“!

**СВОЙ ДО СВОГО!**

Глядаеме добрыхъ агентовъ.

## Напоминаніє.

Благовѣстникъ сповняє тяжку працю. Вы то бачите и признаете. Але ци Вы платите Благовѣстникови належитость? Многи уже по пару роковъ не заплатили ни гелера. Такъ быти не може. Папиръ стоить великѣ грошѣ, а такожь и работа не е задаръ, а еще и штепликъ треба купити. Въ семь числѣ мы Вамъ вложиме карточку, зъ котрой довѣдаєтеся, сколько Вы довжны и за котрѣ роки. Будьте ласкави долученымъ чекомъ загнати намъ нашу належитость. Довше ждати не можеме! Якъ Вамъ Благовѣстникъ не любиться, заплатитъ свой довгъ и напишитъ, чтобы Вамъ не заганяти. А если Благовѣстника принимаете и читаете, а грошей не заганяете, ци то не ганьба? АДМИНИСТРАЦІЯ.

Видавництво Чина Св. Василя Великого в Ужгородѣ  
улица Раковци 52.

видало слѣдуючѣ новѣ книжки:

1. *О. П. Швілінські*: „Популярні Катехитичні Проповіди“ для католицького народу з німецького переклав о. Др. Я. Левицький; стор. 365, форм. 12<sup>0</sup>. — Цѣна 20.— без пересилки.

2. „*Najsvjačijšoje Serdce Spasiteľa*“ korotka nauka, molitvy, moleben i pisni dla členov najsv. Serdca Isusa Christa, latinskimi bukvami. Stor. 64, form. 24<sup>0</sup>. — Cіna Kč 1.50.

Набувати можна:

Книгопечатня ОО. Василянъ, Ужгородъ, Раковци ул. 52.

## КАЛЕНДАРЬ БЛАГОВѢСТНИКА

на  
1927  
рокъ

уже появился. Обнимає 11 арховъ печатаныхъ, много оповѣданъ и наукъ, и стоить только 5 КѢ за примѣрникъ. Кто замовляе 10 примѣрниковъ, одержитъ 1 даромъ. Замовленя слати до Администраци „Благовѣстника“, Ужгородъ, Раковци ул. 52.